

ЛЕНИНЭНЬ КИЯВА

ВЛКСМ-нь Мокшэрзянь обкомонь ды Саранскоень ошонь комитетэнь газетаст

ОКТАБРЯНЬ

15 чи,
1935 иэ

№ 110 (461)

ЛКСМ:

Б. Н. Н.

Ч. Н. Н.

СТАХАНОВСКОЙ ДВИЖЕНИЯСЬ КЕЛЕМИ

Августонь 30-це чистэнь, Весе масторлангонь од ломанень чиденть икеле Кадиевской забойщикесь (Донбасс), икелень батракось, велень беднякось церась, комсьсигемге иесэ А. Стаханов яволятсь, што сон Весемасторлангонь од ломанень чинть вастомс уголиянь рекордной добувамось. Ды сон шахтасонь изнясь. Невть уголиянь добувамось рекорд. Сонзэ кувалт кулясь келемсь весе Советэнь союзганть. Кото част роботамсто забоень линиясонть, Стаханов ялгась макссь 102 тоннат уголия. Изнякось покш. Икеле отбойной молоткась сменанть макссь 6,5 тоннат.

Сентябрянь 3-це чистэнь отбойной молоткань мастерсь Дюканов тейсь Стахановнэнь вызов. Дюканов большевикесь кармасть добувамо 115 тоннат уголия. Мейле Стаханов тейсь од рекорд.

Стахановонь ды Дюкановонь пек паро примердэнь мейле Донбассонь ударниктэ тейнить рекорд мельга рекорд.

Ней стхановской движениясь кармасть эцеме промышленности яла седеяк ламо од отрасляс, заводсто заводс, фабрикасто фабрикас. Горьковской автозаводонь кузнецсь Александр Бусыгин те заводонь икелень строицясь, кона аволь пек умок эщо тонадсь сермадомомовно, роботамонь стахановской методонть ушодызе автотракторной промышленности. Тосо вейке сменанть эрви теймс 675 коленчатой валт, Бусыгинэнь бригадась кармасть тееме 1.146 валт, вейке сменас топавтыть кавто сменанть программа. Бусыгин мельга кепететсь ламо сядот Горьковской, Харьковской, Московонь автозаводгнэс, Сталинградонь тракторной заводсонть ды ляс.

Стахановецтэ ютксо—ламо комсомолец.

Стахановонь примерунть коряс кармасть роботамо чугунокань килангояк. Чугунокань килангонь работниктэнь невтить роботамонь примерт, кемесгэ бороцить Сталин ялганть указанианзо кис—сутканть грузямс 75.000—80.000 тыщат вагонт. Октябрынь 10-це чистэнь тесэ уш теезь рекорд—грузязь 79.182 вагонт.

Мезе ваны комсомолонь райкомось?

Дубенкань р. н. Дубенкань од ломаньтне эрять скушно. Ютко шкаст ютавить аволь организаваннойстэ, кинень кода паро.

Те васняткеяк секс, што арась юткост кодамоак робота.

Велесэнь ули социкультурань вадра кудо, но сон а роботы. Спектаколь, кинот, самодеятельной вечерт эйсэнь а эрять? Сеедстэ аштекшны пекстэз панжоме эжсэ.

Мезе ваны ВЛКСМ нь Дубенкань райкомось. Мейсь стувтызе те культурной тевенть.

Од ломань.

ВИТЕМС АСАТЫКСТНЭНЬ

Активенть марто роботась—комсомолонь районной комитетнэнь работасост центральной задача. Ансяк бути ули паро актив, сестэ райкомтэ решасызь комсомолецтэнь ды од ломаньтнэнь воспитаниань весе востростнэнь. Сех ламо райкомтэнь бедаст сень эйсэ самай ашти, што сын роботыть активтеме, активень воспитаниявтомо. Ды бути активенть таргиткак роботас, то сеедстэ арась кодамоак лезэ организациантэнь ды тень эйсэ эри ансяк зыян эстенз активистэнтэнь.

Вана зярок примерт. Ичалкань районсонть активдэнь малав 20 25 ломанть (райононь централсонть). Те активенть сеедстэ кучнесызь низовой первичной организация эрва кодамо вопроснь карят. Те активенть пек беряньстэ инструктировать первичной организация кучомадо икеле ды ови а контролировать сынт роботаст мекев самодо мейле. Якась ломанесь эли эзь, тейсь мезеяк, эли арась колхозонь первичной организациясонть,—райкомось теде мезеяк а соды. Активистэнь роботас таргамонь истямо методось пачти сень, што активесь роботамонь таркас, комсомолонь алсе организациянтэнь лездамонть таркас теви верьга ваныцяк, берянь ревизоронь, бездельниконь, гастролеронь типекс, черновой, кропотливой роботаво оргелицяк.

Активенть роботас истя таргамонь методонть коряс ансяк Ичалкань райцентрань комсомолонь первичной организациятне, косо комсоргоск роботыть активист, кармасть, каладомо. Вейке активистэнь, райфонь комсоргось Гришакин (Кемля) видьстэ корты, што сон, зярдэ яки колхозонь первичной организация, тосто неи седе

вадря робота сынт роботанть коряс. Секс, келя, монень сависынт пельде тонавтнемс, ды сон первичной организациянтэ пельде мезеяк лия, седе ламо не может вешемс ды лезккак а максы. Но райактивесь роботань опытэнь ды знаниянь коряс должны буневтемс эсь организациясост роботань дисциплинаны образецт. Ичалкасо жо те арась. Бути саемс районсонть кой кодат первичной организацият, то сыт пек беряньстэ аштитэ ды эйсэст арась малав кодамоак робота.

РИК нь первичной организациясонть Новотрясов комсоргось майковсонть свезь эзь тейне вейкеяк промкс, роботамонь план арась, „комсомолонь хозяйствась“ каладозь. Аволь седе парсте ашти те весь „За социализм“ райгазетань первичной организациясонть. Комсоргонть активистэнь Безруковонь арась кодамоак „комсомолонь хозяйствазо“, а вети кодамоак робота, сонсь жо эрва косо пияни роботань вадрылгавтоматонть, „криптикови“ лия организациянтэнь бездеятельностэнь кис, сонсь жо—сех покш бездельник ды болтун.

Пек важно тешкстамс сеньгак, што Ичалкань комсомолонь райактивенть ютксто пек стака муемс вейке-кавто тейтерть, ды нетькак, эрви меремс, роботас атак тарга. Теде башка, райкомось ови а содасызь райкомонь пленумонь члентэнь, а тарги эйсэст тевс ды сынт ютксо а вети кодамоак робота.

Истят востростнэнь коряс жо, кодамо райкомонь роботазонзо сех вадра комсоргонь комитетэнь секретарень таргамось, сынт паро роботань опытэст лия организациянтэнь максомась,—райкомонь мезькак а тейнить.

Ичалкань райкомолонть робота-сонзо весе неть покш асатыкстэ (эрви меремс, што райкомось роботы плантомо) пек невтизь эсь прят первичной организациянтэсэ. Бути колхозонть, ито аволь весе, первичной организациянтэнь кис мелявтозь, райкомось ови стувтынзе предприятиянь, учреждениань ды совхозонь комсомолонь первичной организациянтэнь. Секс 27-це № коньзаводонь первичной организациясь ови каладсь, ламо организацият жо мезькак а тейнить.

Мейстэ эрви ушодомс тевесь?

Ушодомс эрви сень эйсэ, што теемс райкомолонть, оделтнэнь роботамонь плант, плантэсэ тешкстамс активенть роботас таргамо тевенть. Первичной организация активенть кучомсто сынт парсте инструктировамс, самодо мейле проверямс, кода топавтыть тест максозь тевтнэнь, тень куват активистэнь кунцоломс бюросо, козонь тердемс се комсоргоськак, ков якась активистэсь.

Райкомонтэнь эрви весе райактивесь кармавтомс улеме эсь первичной организациянтэсэ дисциплинаны ды роботамонь образецкс. Организовамс тейтерь-комсомолкань курст советской, кооперативной, колхозной ды комсомольской руководящей работниконь аноксгамонь коряс.

Рядовой комсомолецтэ эйсэ те емс резерв выдвигениянь кис, полавнемс весе неспособнойтнэнь ды а витевиця болтунтэнь од, парокрадрас. Партиянь историйнэ тонавтнеманзо марто ве шкане, эрви эщо организовамс активенть, комсоргонть ды резерванть марто занятия комсомольской роботань практиканть коряс.

Те емс школатнесэ большевистской порядка

Петровань выводозо

Б. Березниконь р. н. Октябрынь 1-це чистэ Гузын велес сакшнось райОНО нь инструктор Петрова. Петрова проверизе, кода роботыть Гузынской аволь долной средней школысэ.

Школанть проверизе сон бойкасто кавто-колмо часос ды проверканть коряс теевть промксонть Петрова эстенз тейсь вывод, „школатне беряньстэ роботыть учительтне а маштыть роботамо“ ды лият. Но эзь ева мезеяк теде, кода седе парсте ладямс роботанть.

Кода истя Петрова теизе те выводонть. Вель школасонть аволь весе беряньтэ, ули вадра учительт.

Вана сайсынек Пивкин учительт, конань роботань стажозо 4 иеть, колмоце ие роботы аволь полной-средней школысэ, вети математикань ды физикань дисциплинатнэнь. Вадрясто содасызь сон эсинз дисциплинатнэнь, вадрясто тонавтэяк. Те неяви сестэ, што сонзэ ученикензэ, конат мелят прядызь НСШ-нть, весе тонавтити техникумсо, парсте тонавтити.

Петрова пожалой райОНО-нть икелеяк кенгелясь тень кувалт, што беряньстэ роботы Гузынской НСШ-сь.

КСМ.

Иезэнзэ кавксть отпуско

Дубенкань р. н. Катаев Л. Я. Ардатовань школань заведующея, икеле роботась ВКП(б)-нь Дубенкань райкомсо технической секретарькс. Секретарькс роботамонь шкастонзо Катаев 1935 иенть кисэ получахнось отпуск, оймсьеяк цела ков. Ней вана сон таго сайсь отпуск. Нолдызе сонзэ райОНО-сь

ды тарказонзо кучсь лия учитель Ликина Аннань, конась лавшосто вети-колмоце группанть.

Мекс те истя. Мекс Катаевнэнь омбоцедэ максть отпуск? Нать секс, што сонзэ ламо знакомоензэ Келсэнь симнитьвинадо райОНО нь заведующеяс Логинов ды инспекторось Радаев.

Неиця.

Колмоце классось кадовсь учительтне

Те нень кизна Бояркин Парфий прядсь Ичалкасо учительской курст. Тонавтнэсь курстнэсэ котоковт.

Курстнэнь прядомадо мейле сон ульнэсь кучовт Березниконь районс РайОНО сь сонзэ аравтызе роботамо Гузынской начальной школысэ. Те школасонть Бояркин роботась кавто чить, колмоцестэнь оргодсь. Ней вана начальной школы лань колмоце классонть арась учитель. Группасонть вети НСШ-нь учебной частень завось Сиволопов, конась вете часонь таркас эрва чистэ тонавты ансяк 2-3 част. Учениктнэнь ютксо дисциплинась каладозь.

Березниконь райОНО нтэнь эрви арсемс тень кувалт муемс ды кучомс учитель гузынской начальной школантэнь. Вешнемс Бояркинэнь ды таргамс ответственностьс.

С—М.

Комсомолецтэ лишной сюрост минть государств

Кочкуровань р-н. „Труженик“ колхозонь колхозниктэ вейсэн промкссо тейть решения мнемс колхозонь общей фондсто государств аволь плановой заготовкас 100 центнерт суро.

Мисть эсист лишной сюрост башка колхозниктэяк: Чичкин, Ермохин, Дурьев Ошкин мисть центнерэ-центнер, Старкин Захар 32 килограмт ды лият.

Полежаикин, Об'едкин „Красный факел“ колхозось мись 450 центнерт.

Мисть суро башка колхозник комсомолецтэ. Данилкин М. В.—100 килограмт Канаев А. С.—100 кг., Учайкин М. Н.—100 кг.

Колхозонь председателесь Каф-тайкин В. А. 200 килограмт, Четайкин 100 кг.

ЛК

Ардатовань р-н. „Од эрямо,“ колхозонь правлениясь тейсь решения мнемс государствав 400 центнерт суро ды те суронь питнеденть рам семс эрявикс вельхозмашинат.

М. Елисейкин
Я. Кальсков.

Злостной а пандыця

Кочкуровань р-н. Пакся Тавла велень колхозникесь Дудин Никита Кузьмич злостно а топавты государствантэ икеле обязательстванзо. Сень лангс апак вань, што улить весе возможностензэ, Дудин те шкас эзинзе пандо налогонзо, страховканзо ды лия обязательстванень.

Вельсоветэсь а примакшны ко-даткак мерат. Вельсоветэнь секретаресь овси а роботы налогонь, страховкань пурнамонтэ коряс ды лия тевсэ, сон апак лотксе, сими винадо.

Петров.

Телентень од яслят

Б. Березникень райОНО-сь заведующеесь Четверов Шугорова велес панжсь од яслят 35 тарка марто.

Телень шкасто эйкакш марто аватнень карми улиме возможность якамс ликпунктов тонавтнеме.

И. Горбунов.

„Ленинэнь киява“ ды „Комсомолонь вайгаль“ газетатнень распространениядонть

Мокшэрзянь ВЛКСМ-ень обкомонь
бюронть постановлениязо

Обкомонь бюрось тешксты, што союзпечатенть (директорось Адайкин) бездеятельностензэ ды самотеконтэ жуалт ды сень ку-валт, што „Ленинэнь киява“ (Лю-паев) ды „Комсомолонь вайгаль“ (Руськин) газетатнень редактортэ эсть прима серьезной мерат газе-танть распространениянзо кис, — ВЛКСМ-ень о б к о м о н ь пленумонть р е ш е н и я з о газетнэнь тиражост 4000 экземплярс пачтемадо апактопавто. Касиманть таркас тиражось эрва ковнэ яла седеяк алкалгада. Бути июнень васеньце чинть самс „Ленинэнь кияванть“ тиражозо ульнесь 2400 экземплярт, то июль—сентябрь ковтнэнь тиражось среднейстэ ульнесь весемезэ ансяк 1800 эк-земплярт. Истямо жо тевсэ „Ком-сомолонь вайгаль“ (мокшонь) га-зетанть мартояк.

Газетатнень тиражост система-тически а топавтови ды алкалгада секс, што зяряя райкомт мезек-скак а ловить комсо-мольской печатенть. Газетат-нень мезекскак а ловманть ре-зультатокс ашти се, што Саранонь ошонь комитетэсь топавтызе га-зетс сермадстомань планонть ан-сяк 12%. Б. Игнатовань райко-мось,—1%, Ичалкансесь—5%, ст. Шайговскоесь—15%, Теньгушев-сесь—0%, Инсаронсесь—4%.

Тень ловозь обкомонь бюрось тейсь постановления:

1. Кармавтомс Люпаев ды Русь-кин ялгатнень маласо шкастонть кучомс 2—3 районс редакциянь роботникт газетань распростране-ниянь коряс.

2. Еятамс ВКП(б)нь обкомон-тень седе, што союзпечатесь (ди-

ректорось Адайкин) безответствен-но ваньсть комсомольской печа-тень распространениянь лангс ды энялдомс, штобу сон (ВКП(б)-нь обкомось) примаволь союзпеча-тенть лангс воздезиянь соот-ветствующей мерат.

3. Примамс сведенияс Адайкин ялганть заявлениянзо, што вейке ковс топавтсы комсомольской га-зетатнень тиражост.

4. Кармавтомс комсомолонь рай-комтнэнь маласо шкань бюросо кортавтомс газетатнень распро-странениядонть вопрос ды примамс решительной мерат контрольной цифратнень топавтоманть кис.

5. Кармавтомс райкомтэнь ды первичной организациянень кор-тавтомс комсомолонь газетатнень распространениядонть вопросонть первичной организациянень ды од ломаньтнень примкссо. Язтамс специально ответственной ломанть первичной организациянесь газетс сермадстоманть ютавтоманзо кис.

6. Бюрось тешксты „Ленинэнь киява“ ды „Комсомолонь вайгаль“ газетатнень пачтямось (сермадсты-цятнэнь кантлемась) аравтозь пек беряньстэ, улить факт, зардо кой-кона сермадстыцятне иень перть а получахшны газетат (Андронов сермадстыцясэ кедезэнзэ получахс ансяк 3 экземплярт).

7. Кармавтомс Люпаевень ды Руськинэнь ютавтомс октябрь-но-ябрь ковтнэстэ ловныцянть конфе-ренцият 4 районсо.

8. Обкомонть сыця бюросонть кунцоломс зяряк райкомт, редак-циянень ды союзтечатенть, кода топавтыть те решениянть.

ВЛКСМ-ень обкомонь
секретаресь ИВАНОВ.

Отрядось а роботы

Чамзинкань р-н. Мокшалай ве-лень аволь полной средней шко-лань пионерэнь отрядось овси а ро-боты. Вожатоесь Сайкин меськак а тейни. Кода ушодовсь тонавтне-мась, те шкас эзь ульнэ эщо вей-

кеяк сбор. Активень, вожатоень одс кочкамонть тосо меськак ай ар-сить. Отрядсонть арасть кодаткак любительской кружокт.

Скупневский.

Союзной темас

Комсомолонь активесь кармась тонавтнеме

Чамзинкань райононь центра-сонть организоваз комсомолонь активентень теоретической семи-нар ВКП(б)нь историянь тонав-тнеманзо коряс. Те семинарсонть кармить тонавтнеме истят комсо-молецт, конат уш содасызь ми-нек партиянь историянзо основ-ной этаптнэнь, секс ней тонавтне-мась карми милеме седе кеместэ, Ленинэнь, Сталинэнь произведе-нияст подлинниктэ коряс.

Те шкас ютавтозь уш кавто за-нятият, проработали большеви-занть исторической шакомадо ды од типень партиянь кис боро-цямось теманть. Васень занятия-тне невтизь, што кой-кона акти-вист-комсомолецтэ беряньстэ ва-ныть тонавтнеманть лангс, беря-нстэ кунсолыть, занятиянэс ай анокстыть, кой конат жо эсть са-кшно овси уважительной причи-навтомо. Райкомонтень эряви пе-путомс неть асатыктнэнь ды парсте аравтомс семинаронть ро-ботанзо.

Д. Горбунов

„Комсомолонь хозяйстванть“ емавтнизэ

Дубенкань райкомолось сентяб-ря ковсто Саранское ВКСХШ в тонавтнеме кучизэ Кочкурова ве-лень комсомолонь организациянь комсоргонть И. Дукановонь. Рай-комолось эзь мелявто сень кисэ, штобу организациясонть кочкамслия комсорг. Дуканов тусь ды кинень-гак кодаткак тевть эзь кадо.

Организациясь зяряя ульнесь комсоргтомо, арасель кодамояк работа. Мейле кочкасть комсорг

ды кармась комсомолонь хозяй-стванть велнеме. Дукановонь ку-досто мусть ансяк райкомонь 2 постановленият ды 1 директива. Лия мезеяк арась. Дуканов весе „хозяйстванть“ емавтнизэ, эзь ка-дово комсомолонь вейкеяк учотной карточка. Ды те шкась мезеяк апак тее, штобу организациясонть парсте аравтомс „комсомолонь хозяйстванть“.

Биушкин.

„Истя пурнасть организация“

ВЛКСМ-ень Чамзинкань райко-мось пачтась тенек куля, што „Ле-нинэнь киявасонть“ сентябрия 15-це чистэ печатазъ „Истя пур-насть организация“ заметкасонть евтэзь фактэ алкукс ульнесь.

Тевсэ истя ульнесь. Август ков-стонть Вишка Ремизенка велестэнь райкомось получахс 6 анкетат ком-сомолонь членкс примамодо заявле-ния марто. Тов кучозель райко-монь бюронь член—Вельмескина

ялгась. Сон кортнесь заявлениянь максыцятне марто ды мерсь, што сынст примасызь комсомолс. Зая-влениянтьне макснись кода видестэ сермадозь заметкасонть, истят ло-манть, кона механически уш лиссь комсомолсто, кони панезь ды кона хулиган. Райкомонь бюросонть неть колмо ломантне— Чабаков Иван, Чабаков Андрей, Гурьянов Василий комсомолс апак прима.

Минек материалонок

ды апак печата

серматнень коряс

„Стувтозь ловнома кудо“

Истямо заметка печатазель „Ле-нинэнь киява“ газетасонть сентяб-рия 15-це чистэнь. Заметкасонть сермадозель седе, што Дубенкань районсо Кенде велень ловнома ку-дось а роботы.

Заметкадонть мейле лиякстомс тевсэ. Примазь эрявикс мерат ды избачось кундась тевс. Вети робо-та. Од ломантнень эрва чокшне пурнавкшныть ловнома кудос, лов-ныть книгат ды газетат. Моли лия работа. Ловнома кудось кармась улиме культурной.

Серовнэнь максозь кеме предупреж-дения

„Ленинэнь киява“ газетанть сакшнось вейке юнкоронь пельде серма Дубенкань р-нонь „Свобода“ колхозонь председателентэ Серо-вонь грубой обращенидонзо колхо-зниктэ марто, винадо симемадонзо, колхозниктэнь судсо танпавтнема-до. Заметкась кучозель Дубенкань ВКП(б)нь райкомов. Ней тосто те-нек пачтась куля, што Серовонь кувалт вопросось кортавтозь пар-тиянь первичной организациясонть, Серовнэнь максозь серьезной пре-дупреждения, што бути сон икеле пелевгак истя карми тейнеме, то ули таргазь партийной седе кеме ответственность.

Ермолаевонь чавицятне судязь

Редакциясь получахшность серма седе, што Кочкуровень райононь Кочелай велень колхозникенть К. А. Ермолаевонь сентябрия 15-це чистэ чавицэ хулигант. Сер-мась кучозель Кочкуровань рай-прокуратурав. Ермолаевонь чави-цятне Ивлиев И. М., Ильин И. И. Шугаев Н. Е. систематической ху-лиганствань кис судязь уголовной кодексэнь 74 II ст. коряс заключе-нияс эрва кодамо шкас.

25 пондонь салыця

Кочкуровань райпрокуратурав кучник апак печата серма седе, што Од Мурза велень эрицясь Брыжинский Петр Матвеевич са-лась 25 пондт суро НКВД лемсэ совхозстонть. Прокуратурась пачти куля, што фактось алкукс ульнесь ды Брыжинский судязь уголовной кодексэнь 162^я ст. коряс.

„Сятко“ журналонть мельс

„Колхозонь эряф“ журналось аволь умок эсинзэ страница лангсо невтинзэ ловныцятнэнь мекшонь поэтизэнь, писательтнень чам а ли-цаст, сынст нурьканы автобиогра-фияст. Те мекшонь трудицятнэнь макссь содамс, кить сонзэ литера-торонзо.

Теке марто, эрзянь трудицятне, те шкас овси а ламот содыть эсист писательтнеде, поэтизде. Тень не-темасонть „Сятко“ журналонтень эря-ви кундамс шкань апак учне. Те-весь те, аволь берянь.

М. Ивлиев.

Максозь проштямонь кедь

Кода стака, стака явомс ялгат
эйтэ,
Седейзэт апаро—кадомстейтересь,
Тон ней туют васов, туют
Саранскойстэ,
Вана венстязь, максозь
проштямонь кедесь.
Да, нать ней уш проштай.
Куш лаки седеесь,
Вечкемань пси толось а мацтэви
тень.
Ней уш п велявты исеень сырнень
чекшнэсь.
А вастасы мекев югавтозь
шкатнень.
Мерят, родной ават, терди эйсэт
кудов,
Пачк сон арси тондет, тошнясь
кисэть.
Добувась скалнеяк, столь лангс ашо
кшить,
Кияксоськак шлязь уш,—учи од
чисэть.
Учи, сон, тонь, учи. Кенярды
седеесь,—
Но содык кодамо апарось тесэ.
Минь мартот вечкинек,—лакась те
од мелесь
Комсомолс совинек тонь марто
вейсэ.
Повнявить, повнявить сеть лембе
чекшнэть,
Кодак уш чоподи, мартот вастано.
Яксинек минь вейсэ, арьсинек ве
мельсэ,
Ды вечкезь седейсэ нейгак явдано.
Простай энэ, прештай. Мон
теске кадозань,
Мордовиянь модась—те родной
авам.
Мон тензэ алтазан, сонензэ шакозан,
Монь эзга соконзо нолдызе
сэргам.
Кода стака, стака явомс ялгат
эйтэ,
Седейзэт а паро—кадомстейтересь,
Тон ней туют васов, туют
Саранскойстэ,
Вана венстязь максозь проштямонь
кедесь.


Кадозь кудо

Ардатовань р-н. Чукало велень
„Путь Ильича“ колхозось строясь
вадра од клуб. Велесэнь ули па-
ро ловнома кудо ды избачка.
Но тосо овси арась кодамоак
культурно-массовой работа. Пар-
тиянь ды комсомолонь организа-
циянь тень коряс местькак а
тейнить.
Избачось Кипайкин С. И. пек
чуросто эри ловнома кудосонть.
Тосо улить книгат, „радио, но эй-
стэст киненьгак кодамоак лезэ
арась. Кода ловнома кудось, ис-
тяжо клубоськак рудазовт, стенат-
несэ пуль, атак тее культурнойкс,
неявить кадонь кудокс. Клубон-
тень якитькак аняк кой-кить коль
неме, туреме ды а паре валсо
пужнеме. Велентень кино а сак-
шны. Сень лангс атак вано, што
улить весе возможностьне, весть-
как эсть тейне спектаколь.
Од ломаньтненень чокшнень
ульцядо башка якамс а ков. Уль-
цясо эрить эрва кодат хулиган-
стват. Сех ламо од цератне секе
тев симкшнить винадо, ульцясо ту-
рить ды севныть, морсить виськс
морот.
Сень таркас, штобу парсте арав
томс комсомолонь роботанть, ве-
тямс работа од ломаньтне ютксо,
—комсоргось Любезнов местькак
а тейни, секе теви сими винадо,
иредьстэ яки ульцява, тури ды
эрва кодамо виськс валсо пуж-
ни.

Ф. Кипайкин.



ГОСУДАРСТВЕННЫЙ АКТ НА ВЕЧНОЕ ПОЛЬЗОВАНИЕ ЗЕМЛЕЙ КОЛХОЗАМИ



№ 000000

СКУШНА, А КОВ МОЛЕМС

Тонавнемань 1934-1935 иестэ
Ташто-Мурзань аволь полной-сред-
ней школасонть ульнесть ды ро-
ботасть хоровой, драматической,
физико-политтехнической, ОСО-нь
ды лият кружокт. Теде арась ме-
зек. Вейкеяк кружок а роботы.
Истя жо арась библиотека, яксте-
ре уголок.
Культурной ды массово-воспита-
тельной работа учениктнэнь ютксо
а ветяви.
Секс вана учениктнэ переменань
шканть, занятиядо мейле ютко
шкаст югавтыть кинень кода па-
ро, аволь организованнойстэ. Ойм
сема читне ютнить скушнасто. А
ков молема, арась истямо тарка,
косо бу можна ю т а в т о м с
шкась седе веселасто, культурна-
сто. Молема Мурзань ловнома ку-
дов тосояк а месть тейнемс ды
седейстэ эрси пекстязь.
Учениктнэстэ ламо листнить чо-
кшнень ульцяв. Нама тосо пар-
тев эйсэт кияк а тонавты. Седей-
стэ понгонить хулиганонь кедь
алов ды мартот вейсэ озоровак
шныть, кройсекшныть.

Вана 7-це классонь ученик Бори-
сов Виктор седейстэ пурнакшны
перьяканзо начальной школань
2,3 ды 4-це классонь ученикт,
тонавты эйсэт кройсема, виськс вал-
со кортнема.
Аволь полной-средней школа-
сонть улить комсомольской ды пи-
онерской организацият, но сын а
роботыть ды а ветить работа уче-
никтнэнь ютксоак.
Школань дирекциясь, директо-
рсь Логинов ашти „наблюда-
телькс“, ваны ды тешкшни асатык-
стнэнь.
Школань неть асатыкстнэде вад-
рясто содыть ВЛКСМ-нь Кочкуро-
вань райкомось ды райОНО-сь, но
мерат а примить Райкомонь сек-
ретаресь, знярдо ульнесь школа-
сонть, кортась—„весе асатыкстнэ-
де сермадо „Ленинэнь киява“
республиканской газетас, мон кар-
ман содамо ды приман мерат“.
Кие ды знярдо примить мерат
асатыкстнэнь коряс.
В. Громов.
Кочкуровань р-н.

Омбоце ие учить

Школьной библиотекань органи-
зовамодо кортнематне Ташто-Мур-
зань аволь полной средней школа-
сонь появасть эщо ютась иестэ, то
навнемань 1934-1935 иестэ. Ютась
иенть, иень перть школань дирек-
циясь айтнесь учительтненень ды
учениктнэненень панжомс библиоте-
ка, но эзь панжово.
Учителень коллективесь (17 ло-
манть) ды учениктнэ нейгак учить,
учить знярдо дирекциясь топавтсь
алтамонзо. Ней библиотекань алов
ули помещенияк. Таго яла аняк
кодак а панжови. Шкась тонав-
немань иенть ушодомадо мейле

ютась уш ламо. Ульнесть школасо-
нть кинигат, конатнень добува-
кшнысь библиотеканень, сын ем-
сесть, кантлизь.
Ней вана учительтненень ды
учениктнэненень а косто саемс ки-
нигат, а мейсэ ловномс. Велень
библиотекасонть художественной
кинигат арасть почти.
Мезе учни дирекциясь, директо-
рсь Логинов. Мекс а панжы биб-
лиотека. Нать а соды, теде, што
эрва школасо должен улемс биб-
лиотека.
Кочкуровань р-н.

Нарьги семиянзо лангсо

Бабакаев С. комсомолец. Роботы
Кочкуровань райОСО-со военно-
учебной пунктонь начальникекс.
Бабакаев урвакстозь, колмо
эйкакшонзо, вишкинентень колмо
ковт. Эри семиянзо марто берянь-
стэ. Вана уш котоце ков а варшт-
ник семиянть лангс, нарьги ланг-
сост.
Низэ эрва чистэ сакшны эйкак-
шкенть марто, веши кедьстэнзэ яр-
макт—эйкакштнэнь трямс, оршамс.

Но сон а варштыяк лангзонзо,
эрва разт кройсесы ды сельведь
марто проводясы мекев Пакся Тав-
лав.
Меельсь сакшномстонть Бабакаев
видестэ мерсь нинстэ—„мон тонь а
вечктян, иля сакшно монень, ярмакт
теть а максан“.
ВЛКСМ-нь Кочкуровань райко-
монтень эряви Бабакаевень таргамс
ответс тень кисэ.
Содыця.

Ловнома кудонть саизе вельсоветэсь

Икеле Эрзянь Наймансо ульнесь
ловнома кудо ды сонзэ трокс ветявсь
культурно-массовой работа. Ней
вельсоветэсь ловнома кудонь поме-
щениянть саизе эстензэ, теизе кан-
целяриякс.

Ловнома кудонь заведующеесь
кадовсь помещениявтомо. Роботась
ветямс а косо.
Б. Брезникень р-н.
М—лин.

Земля, занимаемая артелями (как и всякая другая
земля в СССР), есть общенародная государственная соб-
ственность. Она, согласно занимаемому рабоче-крестьянскому
государству, закрепляется за артелью в бессрочное поль-
зование, то есть, по существу, не подлежит ни купле-
продаже, ни сдаче артелью в аренду.
Каждой артели выдается Равноправным Исполнительным
Комитетом Советов государственная акт на бессрочное
пользование землей, в котором устанавливаются размеры
и точные границы земельного участка, а также условия
артели, при чем сокращение земельного участка не допускается,
а допускается лишь увеличение, а также учет свобод-
ных земель государственного фонда, а также учет излиш-
них земель, занимаемых артелями, с тем, чтобы
никакая чересполосица при этом не допускалась.

Из пункта второго Приказа, изданного 1935 г.,
Колхозной комиссии, принятой в 1935 г. в
Седом колхозничестве, изданном в 1935 г.
Советом Народных Комиссаров СССР и Президиумом
Верховного Совета ВКП(б) 17 февраля 1935 г.

СНИМКАСОНТЬ: Кол-

ХОЗСТНЭНЬ МЕЛЬГА МО-

дань кемекстамодо го-

сударственной актонь

образец. Вить енсо, ак-

тонь вейке страница.

Я. Григошин

Трошка машты роботамо, Трошка машты оймамо

Лыйнить, лыйнить лов мекш-
кетне
Шождынестэ, састо;
Зняро эйсэт, кода цитнить,
Мазый чист сынст косто?

Пры кедезэ галань пухокс.
Ванат-прок сон теште,
Вель-ульцятнень, вирь потмотнень
Ловсо телесь пешти.

Варштант верев-овтонь кедьсэ
Вельтязь чись ды ковось;
Варштант алов—ашо руцякс
Сравтовсь сиянь ловось.

Пурнавсть школав эйкакшкетне,
Молить весе жалсо;
—Лоткадыя эй, пакшатне,
Рангстынь эрзянь валсо,
—

Весе лоткасть, весе пурнавсть
Мекш веленекс перьякань
Сех икелев тейтернетне
Мельгаст ладявсть церкан

Ки вадрясто пек тонавтни?
Мон кевкстыдызь ужжа—
Ве вайгельсэ рангасть, весе
„Миколь бабань Трошка.“

Школав моли уряднойстэ,
Классто лиси састо;
Уроконзо сон топавты
Эрва чистэ шкасто.

Кода прядсы эсь тебензэ—
Сон ялганстэнь лезды,
Ванат—ванат дивазинат:
Мекс оймамот азды?!

Мариньдеряй те дивамдонть.
Трошка каршо рангсты:
„Апак трудяк школань тевтнень,
Ки сайсынзэ лангстон“.

Кода сестэ чаво превсэ
Учителень вастса?
Ки монь кисэ отвечамо
Карми тензэ классо?

Кона кисэнь пек „аварди“—
Кадьк энэ соды,—
Трошка труди, Трошка налксы,
Знярс эряви улы“.

Лыйнить, лыйнить ломекшкетне
Шождинестэ, састо.
Сиянь сятксо палыть, цитнить,
Мазый чист сынст косто?

Юнкоронь сермат

ПРИЗЫВНОЙ ПУНКТОВ

Рана валске, зярдо эщо Сура леемт лангсто эзь кенере шер-же в туманось верев кепедеме, зярдо сияждыця росась начтас пильгть. Качалаень велень советнть икелев пурна в сьт кемнилее виев, кеме од ломанть. Колхозонь ударниктнэ, конат исяк эщо роботаст межавтомо келей паксятнень лангсо, конат ютась чокшне ансяк, налкессть эсист ояст марто, ней пурна в сьт тезнь, косто вейсэ сыргить Саранскоев.

Ютась а ламо шка ды Засимов (вельсоветнень праятось) сыргась допризывниктнэ марто Саранскоев...

Кемнилее допризывниктнэ Засимов ялгась соватынзе Саранскоев призывной пунктс. Васеньце, мезе сын нейсть—те вадра вастома Агитпунктсо оймсемадо, газетань ды книгань ловномадо, шашкасо налксемадо мейле, кемнилее виев одломантьне совасть примамонь кудонтень. Тесэ сын ютызь сермас содамонь, медицинской ваномань кабинетнэнь. Вана уш сын аштити приемочной комиссиянь председателенть икеле, Засимов корты эрва допризывниктнэ коряс.

Качалаень допризывниктнэ, кода тесэ мерсть Засимовнэнь, анокстась вадрасто. А берянь сермас содамост, шумбра-чист, политикас содамост.

Чокшне. Саранскоев ульцясь пешксе од ломаньде. Допризывниктнэ Засимов ветинзе Гражданской улицань вейке кудонт икелев. Ловныть: „Кино-комсомолец“—октябрынь 4 чи, моли кинокартина“...

Кино-картинась допризывниктнэнь мельс тусь пек. Эрвейкесь арсесь незенть коряс. Эрвейкесь арсесь седе, кодамо мель сынент максыть тесэ козонь сынст ютксо ломантьне понгсть васеньцеде...

М. Ив-ев.

ТЕЛЕНТЬ А АНОКСТЫТЬ

Те шкас яла эщо телентень анокстамо эзь карма. Кардтнэ весе вярят, вейкеяк вальмаст арась. Омбоце бригадань лишмень кардось а маштови. Сэдялксонзо а маштовить, секень вант синдеви лишмень пильге.

Те истя ашти тевесь кочкуровань райононь Паксы Тавлань „17 партс'езд“ колхозсо. Колхозонь правлениясо ломаньтнэнь прятчирезэсткак а сакшны телентень анокстамось.

Ф Колхозник.

ПРЕДЕЗЬ СТОРОЖТ

Атяшевань р.н. Дивас правтыця тев: Ламбаське велень начальной школасо сторожтнэ эрва чистэ симить винадо. Иреть ды якить тонавниятнэнь юткова, рангить сынт лангс. Тень коряс прынзо пек неэтизе сторожось—Зотков, сонзэ эйтэ а кадови Автаев сторожоськак.

Сынст ули вейке правиласть:—кавто тевть а тееват. Виде, сын а теитькак, симить, но сторожонь роботаст а топавтыть Школась рудазов, зданиянт перть навоз.

А чаркодеви: мейс школасо кирдять не винадо симицятнэнь?

КУВАКИН.

АБИССИНИЯНТЬ ЛАНГС ИТАЛИАНТЬ КАЯВОМАНЗО КАРШО

Ламо масторга моли виев движения Абиссиниянть лангс италиянть каявоманзо каршо.

Франциясо „Попюлер“ ды „Юманите“ газетатне печатасть франциянь коммунистической ды социалистической партиятнэнь воззвания, конаньсэ кавонест партиятнэ шныть решениянтнэнь, конатне примазь профсоюзонь виев организациянтнэсэ, штобу мешам: Италиянть оружиясо снабжениянтень. Партиятне решизь вейсэ организовамс зяройак покш митингт. Сынть тердить аватнэнь молемс промксов, евамс эсь мелест войнанть каршо ды седе, штобу путомс пе восточной Африкасо военной операциянтнэнь. Моряконь унитарной ды реформистской федерациянтне тейсть обращение Франциянь ды колониянь весе моряктнэнь, косо тердить отказамс сеть суднатне эйсэ укшномадонть, конат ускить военной материалт Италиянь ды Италиянь колониянь.

Англиясо рабочеень ды профсоюзонь зярыя организацият вешить профсоюзонь советэнт пельде, штобу пурнамс специальной заседания войнанть лоткавоманзо коряс мероприятиянь теаманть кис.

Нортгем Птаунсэ рабочейтне пансизь митингтнэнь, конань организациянть фашистнэ, штобу ванстомс Италиянской агрессиянт, —ды тейсть войнанть каршо митинг истямо лозунгонь коряс: „Саянк кеденк Абиссиниянть эйтэ“ митингень участниктнэ тейсть резолюция, косо вешть седе куруксто ютавтомс санкциянтнэнь (Италиянть каршо карательной мератнэнь.)

Швейцариясо Цюрих ошсо ульнэсть Абиссиниянть лангс Италиянть каявоманзо киршо протестэнь массовой промкст, конатнэнь пурнакшнызь компартиясь ды социал-демократической партиясь вейсэ.

Абиссиниянть лангс Италиянть каявоманзо каршо движения моли Испаниясо, Мексикасо, ды лия масторсо.

ИТАЛИЯСО МАССОВОЙ АРЕСТТ

Швейцариянь революционной журналось „Дефанс“ пачти куля, што Италиянь весе покш центратнэсэ молят массовой арестт. Аресттовакшныть весе сетнэнь, конань ловить антифашистской ды анти-военной пропаганда. Арестовазь ды максозь судс ламо сядт ломанть, конат мольт войнанть каршо.


Неопольсэ (Италиянь портовой покш ошсонть, косто Италиянь войскантнэнь кучить Африка) роднянтне ды содазь ломаньтне салдатнэнь, конань кучизь войнав, тейсть протестэнь демонстрация. Фашистской полициясь пансинзе демонстрантнэнь, лангзост леднесь

ИТАЛИЯНЬ ВОЙСКАТНЕ АНОКСТЫТЬ ОД НАСТУПЛЕНИЯ

Англиянь ды Франциянь печатенть куляст коряс итало-абиссинской войнань весе фронтнэва ней бороцмотне зяры лоткасть. Италиянэцнэ анокстыть од наступления.

Обед ено фронтсо (Италиянь

Абиссиниясо пиземетнэнь лоткамо до ст мейле



РИСУНКАСОНТЬ:—Абиссиниянть вельксэ „пургиненкс“ („радуга“).

ЯПОНО-МАНЧЖУРСКОЙ ОТРЯДНЭ ЭЦНЕСТЬ СОВЕТСКОЙ ТЕРРИТОРИЯ ЛАНГС

Октябрынь 6-це чистэ городсковской пограничной отрядонь Советской сторожевой нарядонть—конной кавто пограничниктнэнь лангс каявсь Манчжоу Гонь отряд—малав 20 ломанть, конась ютась СССР-нь территориянт лангс границань линиястонть колмо километрат. Отрядось Японской офицерэнть команданзо коряс ветясь леднема конной пограничниктнэнь лангс.

Октябрынь 8-це чистэ теке жо пунктсонть Советской территориясонть ульнэсть Неезь Японо-манчжурской отряд, малав 50 ломанть.

Неть нарушениянтнэнь кувалт Японо манчжурской отряднэнь пельде Советской правительствась являвсь категорической протест Япониянь ды Манчжоу-Гонь правительствантнэнь.

Октябрынь 12-це чистэ, 16 часост Хабаровской шканть коряс, Японо-Манчжурской отрядось, косо ульнэсть малав 50 ломанть, ютызе

границанть теке жо пунктонть маласо, косо ульнэсть границань ко-коламотне октябрынь 6—8-це читнэстэ. Советской территориянтнэнь километрадо ламо эцезь Японо-Манчжурской отрядось кармасть леднема советской сторожевой нарядонть лангс, нарядсонть ульнэсть конной кавто пограничникт. Сестэ советской кавто лия нарядтнэ, косо ульнэсть 18 ломанть ды конат аштеть кавто пель марто километрат Японо-манчжурской отрядсонть мольт лездема васень нарядонть. Японо-Манчжурской отрядось кармасть советской нарядтнэнь лангс ружиясо ды пулеметсо леднема, штобу маскировамс эсь прятне, кирвастизь тикшенть ды качамонть пачк мольт советской пограничной нарядонть енов. Леднеманть ютавтоманть кувалт улить маштозь ды ранязь советской пограничниктнэнь пельде истя жо Японо-манчжурской еностяк.

Границань коламо до кулянтнэнь пачтамодо мейле советской правительствась мерсь Токиосо эсинзэ посолонтень яволявтомс решительной протест. Теке жо шкастонть советской правительствась мерсь явомс кавто мастортнэнь пельде комиссия ютавтомс таркасо расследованиянь ветямо.

ГРЕЦИЯСО МОНАРХИЧЕСКОЙ ПЕРЕВОРОТОНТЬ МЕЙЛЕ

Франциянь компартиянт „Юманите“ газетась Афинасто телеграмасонть тешкыть, што весе Грециясонть осадочной положениянт лангс атак вано, Грециянь рабочейтне государственной переворотонть лангс ответить протестэнь пек виев демонстрациясо.

Компартиянт тердежанзо коряс, ламо предприятиянь рабочейтне, васняк табачной фабрикань рабочейтне лоткасть роботамо. Бастовить рабочейтне Драмесэ, Ларисесэ ды Патрасесэ. Ульнэсть робочеень демонстрацият Берриясо ды Оденесэ. Друкиосо рабочейтне-демонстрантнэ снартнэсть саемс ошонь управань зданиянт. Полициясь кармасть леднема, но сонэнзэ савсь потамс ды вешсь подкрепления. Коммунистической ды антифашистской ламо рабочейт арестовазь.

Ответ. редакторось М. ЛЮПАЕВ.

Китаень Якстере армиянть успехезэ

Лия масторонь газетатне пачтит куля, што Китаень Якстере армиянть часть, конаньсэ малав 6 тыщат ломанть, лиссь Сычуань провинциястонть ды пачкодсь Циньян райононтень (Ганьсу провинциянт восточной пелькс).

Китаень газетатне пачтит куля Китаень Якстере армиянть меельс

читнэстэ Шеньси ды Ганьсу провинциянтнэсэ пек виев бороцмотнэ. Газетнэ сермадыть, што Китаень Якстере армиясь сайсь зярыя ошт, пек келемтинзе эсинзэ действиянь районтнэнь.

— Пермь, типография „Красный Октябрь“ Мордвина.

Главлито № 1521. Заказ № 3043. Тираж 2437.